

近
代
詩
鈔

二十一

近代詩鈔

何振岱

振岱字梅生一字心與福建閩縣人光緒丁酉科舉人有姑留稿

石遺室詩話梅生爲余書扇錄西湖詩數首乙菴諸人見之極賞其鐘定聲依無際水詩成意在欲開梅諸聯實則君詩語能自造而出以自然無艱澀之態或病其隘而不廣余曰以東野之夐絕千古遺山尙目以詩囚於東野乎何傷

龔九鶴置酒袖海招予看菊

一貧天地無秋色十月賓朋始酒杯紅日旣爲菊花好青山須就故人來

近代詩鈔 何振岱

廣意

紛紛畫紫攻聽暗坐亂人意令失真適然閒靜理我素始脫蟲
害仍爲人無書嘿坐亦欣喻偶夢得句能嶙峋始知對客有至
苦先不稱意奚疏親我生局脊正坐此胡爲緣物成愛嗔力微
不足攝羣動乃令方寸生荆榛出門一笑吾過矣高雲寥廓無
纖塵

後插菊詞

列燭何知有月明畫堂無客愛更清空庭百本殘秋後留與幽
人伴五更

同霜燕入杭

始發意已遠江聲秋杳漫紅船非不小人意自然寬蕭散斯風
致山林見肺肝平生輕世事孰信一游難

入杭舟中雜詠

江聲爾何恨入夜殊怒咤青山絕有情船頭紛來迓

家家門前樹樹盡臨江看盡江船過紅樓人倚窓

仲春客邸日課山水一紙非云習畫聊資遣悶爾

歷游佳處輒追尋邱壑何資意自深如彼枯棟消永日向來粉
墨耗雄心拋離竟比投荒去慷慨猶餘渡海吟虛寫江南煙水
態好春無日不輕陰

荃庵累月無書詩以懷之

吳雲秋轉繁南望迷未瞭鷺江吾有人羈旅同爲飽擬貌訊近
肥探衷見前皎春書密似櫻秋事疏于蓼向時朋舊盡彼此亦
半老焉能不我思狂酒臥煙島

題所畫蓮花

畫蓮不作春花媚宿鷺遮魚致自奇一畝野塘天乞與東風何
力未曾知

里橋晚坐

橋盡山幽處山迴與寺鄰樹冬多古色野暮有行人郵戶工簫
酒歸牛穩負薪故鄉情自好佳氣恐難涙

鶴澗小坐

澗在理安寺之前千松萬竹高翠聳天眞仙境也

地天忽自通一碧不可絕舉眸悚陰森恐入神靈窟萬篁爭奮
挺叢櫪皆聳拔橋行俯寒澗自古流蒼雪愔愔琴思生冥冥鶴
迹沒出山衣蘚香湖光湔不滅

理安寺

百澗競成響一潭私自澂縈苔下絕壁小甃爲幽亭聲外尙含
秋意中欲無僧久坐聞香氣何必存禪名江湖流濁世湍激何

時平真當守此水心根同孤晶

紀別

佳蔬侑晨餐臨行食欲噎中歲別衰親誰能腸似鐵去爲就食
鳬忍託壯游說去年謂今年家居戒不出今年如去年嚴裝催
早發今年視母鬢又白去年髮小舟凌夜行大舟旁午發海水
自彌天兒心惟繞膝

偶題

何因成目值片响念依稀水靜如留影花暝不辨衣樓臺橫海
色車馬亂晴暉一醉仰春宇歌塵雲際飛

夏夜

夏殊不淺氣猶寒夜豈忘深睡故難小具杯觴惟勸影了無蹤
跡與追歡蕭蕭葉吹能爲雨灑灑梔香乃勝蘭待和魯娥舒短

嘯年來寸緯已拋殘

鼓山靈源洞同荃庵公望看月

松去月盈尺月高松影圓不風秋自籟臨水屋如船綠欲浮山
去寒都集曙前披衣商瘦句未抵淨名賢

鼓山達摩洞憶碧琴

古洞受江色無雲常夜光松梢片帆白簷上一星黃此際禁寒
坐青天欲語忘七年懷舊夢獨繞佛前香

登鐵塔

雲痕變滅一興亡鈴語沈沈碣草荒立馬城陰高處望塔尖留
得古斜陽

所居牕前種竹數竿

簾前竹數竿肥瘦雁行列幾時病掩牕所種喜都活寂寥取有

慰後時恐難別及茲未別時坐對忘移日

舟行曉望

櫓枝搖及曙光柔星落漁燈淡不收舟宿向來能早起沙頭猶有睡鳬鷗

尋靈隱寺

小船通密樹樹裏更藏橋港縮霞光直山冥日氣焦竹香連寺遠石骨爲泉銷佳處吾能奮曇天路未遙

喜晴

可有朝陽意山頭隱薄紅已銷草根雪真託夜來風遠水餘寒滿長天曉夢中一游觀變態晴雨小窮通

孤山獨坐雪意甚足

山孤有客與裴衷悄向幽亭藉綠苔鐘定聲依無際水詩成意

在欲開梅暮寒潛自湖心起雪點疑隨雨腳來一飲恣情宜早

睡兩峯曉待玉成堆

孤山曉望

菰蒲聲中見人影殘月瘦竿挂簷簪翠禽摘水作花飛一行都
上風篁嶺欲曙湖心天轉黑寒松無風如墻直是誰喚起海霞
高紅抹峰南轉峰北

對菊

牀前置疏花枕上雨聲好欹枝出整葉無一令人惱向來強對
客異趣損懷抱始知古幽人刻意憐芳草

冷泉亭

枯冬貯春青含氣發靜秀巖花附松篁霜雪壓彌茂下有一泓
水風吹碧煙皺寒林寫猿思數葉石塲後斜陽與之紅向空見

明瘦昔夢落何許片雲臥晴岫抒懷誦駱詩倚冷坐移晝

上海寓齋留客夜談

散鬱無端恣謔譚相看已倦更清酣門前雪滿不須去枕上鐘
殘猶可貪積憤憤撐腸歸雅吐凌寒摩背約幽探姓名早謝人閒
識甜苦心知此二三

步尋靈隱寺書所見

長松老鬢交空翠晚稻秋香打晴穗人家樹頂偶鳴雞草徑風
前有遺毳寒流細石引人深遇澗逢橋聊一憩鈴聲沈沈出煙
際小隊香籃馱細騎野翁山行盡槲笠越女村裝亦高髻風傳
唄語驚葉下三竺相聞隔秋靄我生于佛不知虔偏近僧居足
吟思興來倚石立移時看竹聽泉忘入寺

孤山舊游處重來仍居此地感賦

別杭未兩載我老湖逾碧不知湖上山識否前游客臨流一顧
影衰槁成春色我顏非被酒對景神自懌始知煙水氣足蘇秋
士瘠孤山尤芳靜勢與前湖隔小榭裏晴漪空廊耿虛白寬襟
理前夢嘿坐試秋夕昔來梅繞簷今來月照席惟有勝遊心不
隨景光易

又

靈隱寺門溫舊路冷泉亭上似前生臨風坐久澗花墜欲暮吟
成山靄生完翠自春知佛意停漪餘響放雷鳴猿公去後經香
絕爲我蓮天問月明

當席作

晚識芳菲恨春懷換故吾蹉跎聊掇擷辛苦事歡娛積礪容消
酒高歌或勝吁紅牙真解意一再按吳趨

湖口數峰奇峻漸乃平衍

世路誰能測嶺巖總待平江流依岸勢山意見人情衆綠森初
夏迴紅照晚晴薄游還乘興辛苦定何營

大風雨

昨宵早省天氣惡青蟲圍鐙撲花落五更鄰樹嘯天風一雨新
涼滿江郭積水浮階成小池石榴花墜紅離披水中瘦草出細
葉宛若蘆芽搖綠漪林間有鳥翠毛濕饑不欲鳴仰頭立爾豈
無巢乃避此欲施之食飛忽急西來一片雲尤黑影入疏簾作
暝色欲書詩句索明燈更檢漏痕妥行笈天公旣雨底用晴雨
中人意尤蕭清閒聽却憶春前夢宿火紅牋愛此聲

營睡不成聞鄰房薛翁鼾聲書此

鄰翁談笑方未已貼枕鼾聲已雷起如馳熟路駕輕車黑甜鄉

遠翁能邇吾聞至人以踵息神與天游魂自適其餘蠹者生不
靈槐蟻蠕蠕同一國世間只有苦心者一夢能甜古難得我生
不怨漫漫夜何取將心與睡敵影形相贈大有詞枕簟於吾略
無德明月旣墜天垂星短衣緩步游中庭風吹露樹聞葉馨夜
氣殊佳視晝清翁自美睡吾須醒人間勞逸無須平

和內子對菊

紅葉寒山思不禁黃昏小閣動清吟細將肥瘦量今影迸以歡
愁理舊心剪燭與君消好夜彈琴何處起秋陰釵頭瓶上相思
意未辨花人孰淺深

以茶葉饋鵠潭並詩一章

鵠潭理蹟時貶勉事詞翰壞帙盈巾篋細石羅几案苔豐儲澗
汲石鼈足薪炭濤聲滿草堂風影蒲葵亂鳳文青龍斑清晨自

獎勸有時摘黃花髻與膽瓶半起舞影婆娑蟋蟀助清歎任真
任酣嬉秋色競爛熳其詩瘦而天與俗肺腑判能以情勝才善
讀愈璀璨丈夫未遇時何止泥沒骭君得自娛理誰亦能謗訕
秋山今可遊與子一蕭散更攜所嗜茗松火煮寒澗我能質短
墨作子茶經贊

高昌廟獨步看柳

曳日搖風意不禁長堤徐步盡千林年時莫怨芳華歇得庇行
人且作陰

黃家樓上林樹蔚藹宜夏賦此贈儲齋

樹影爭入樓逤綠塞牕牖時挾車馬聲遠作風雨驟尤宜五六
月秋氣私夜晝展簾涼鋪玉吹簷暗疑溜我來賦蕭森展眺不
覺久樓閒人意寬短句輒勁瘦天風颯然來燈火林際漏夜深

如有聞墜露香零袖

寄狷生潯陽

客行迨不復洪州強謝君言祇益愁

君云與僕迨不復然謂

會面有

期須好抱冥心自詭忘前游書來仰日常移屋花發題詩定滿
樓覓夢欲長宜盡醉江流到海更江流

雨夜與墨泉時君赴粵

風威晚不霽雨力夜逾猛垂天洪濤傾擊瓦怒馬騁雜以松竹
喧翻使羣囂靜念當羈旅中萬聲集孤影斗幄卽荒巖夜氣悚
悽冷家居偏愛雨深簾燭花耿敲詩倚暖枕漉酒熱春鼎靜憩
覺勞生况味此細領倦矣閱江湖行復背鄉井思我舊游侶歡
悰非往景各有白髮親所期勤定省聞君亦有行壯懷希一逞
朔雲驅京華南花踏五嶺菀枯安足計貧健亦多忝有如小稱

意告慰約互竝明當攝兩屐離杯略酩酊

病起放言

景光經病得良題詩筆求新只舊蹊不死故應磨爪嘴浣思無處着塵泥性餘駘蕩終難抑意各沉酣莫漫詆開口今晨向山笑仰頭秋色與雲齊

樓坐

穴牕受日散朝寒盍水培花注夕乾吟逐春新忘鬢醜醉呼客去愛樓寬讀書簡欲尋歸宿涉世難疑度石灘消息沈思何不可未能雷動且泥蟠

燕燕樓爲陳敬如作

燕燕來何處高樓結翠叢美人將小字攜手贈東風柳帶雙心綰筠簾並語通多情蓬島客點綴費春工

今晨 六月念三日

今晨可是病昨夕夢歸家嬾起似中酒憎人欲避諱骨酸思母
撫食減怪僮加瓶水忘添注紅蓮聽自花

病夜得詩以左手書之

左書殊自勁伏枕寫新詩燭燄風高下蟲聲秋繫縻江湖將八
月志士有千思一病無由奮皇天肯放慈

喜嘲序至

嘲序在滬聞予信卽日渡江來視

竟得生相見支離猶有人遠來驚睇眎客病得心親一喜勝諸
藥平生只異身江湖風浪惡回念汝勞辛

秋夜喜雨

六十日不雨瀟瀟忽樹頭高天孤雁遠一滴一聲秋病思澄於
昨枕邊聽更幽雖然不成溜終勝月當廩

夜聞隔院讀書聲

沈沈譙鼓風侵帷有書聲出林際遲錄翻碧血空沈憤表讀出
師多咤悲當時作者意慘淡精氣不盡於文詞自非與古共哀
樂縱使百讀無絲窺高月流空雲不飛棲禽羣韶孤雁唳此時
百靈同肅聽燭燄不動天風微起看夜色散鬱勃嵯峨病骨重
披衣

暝色

暝色不可寫只疑天漸低當秋尤黯淡獨坐最淒迷雲缺有星
出林深多鳥棲此時何處可銀燭憶廬西

夢醒作

是夜嘯序回申江

夜半西風吼如虎夢醒對床猶喚汝江船一發遂天涯野泊燈
檣杳何許今宵孤月胡爲光照明人離恨成心傷孱軀解道息思

念豈知伏枕還霑裳

· 張園

侵曉張園車馬靜散疴自愛近林塘更無人與分荷氣祇覺風
來盡露香馳道雙環松影合紅樓一角柳陰藏歸途見日纔簷
際續夢猶能半枕涼

南昌西街酒樓寄友

青山與菊一牆頭耽酒時來占此樓燈火吳歛渾似夢晴明春
醉不如秋南樓名江雨片雲孤往如人意低雁誰邊落暮愁少有江
南風味在題詩便欲語同游

游虎邱不樂却憶杭州

虎邱一塔似雷峯祇欠南屏數杵鐘偏向吳天思越水劍池西
畔對寒松

寺前晚眺

種菜元無地看松覺有心雨中宜野望天際豈輕陰

戊申人日郁如招游長慶寺

細竹長松梵宇寬七年人日兩憑欄

壬彭寅人同白初游寺中

山僧自是

吟邊物祇好遮林傍水看

舟夜

寒逐江聲上枕旁起看殘月在高檣真疑短却前宵漏迸作今宵一味長

江閣望泊生去舟

去颯那葉吾能辨江閣潮生著意看他日歸篷應過此有誰爲我戀闌干

敍瓶中雜花

野性悅嘉樹亦復耆時卉環室堆落英書叢塞文綺一花一片
春色界包禪旨久欲歛芳懷臨賞不可止晨聲動倦枕唱賣有
新藥蠻姿彼自逞亂真乃貌似二月梅未花五月菊可采非時
與後時生意難索解瓶中何所有石榴及梔子二花以品言位
置次蘭芷取其中時令無復傷旖旎插花不及根供爾止杯水
廉收亦篤護在我既云侈記注入瓶時吾其作之史

壺尊

倦將求息何能息強自爲寬那得寬靜看飛雲閒看鳥旣憑庭
樹又憑欄

四更起坐

性僻偏成爲我病每耽幽靜好沈思夢回夜氣初澄後吟答秋
聲欲下時坐撫素琴消一曲仰看林月上高枝將宵作晝謀還

得羣動潛休合有詩

述懷寄狷生潯陽

爲交非一軌要在諧所性吾嘗對俗子氣索如積病廣坐強寡歡衆流嫉孤泳堂堂見吾子皎皎發輝映吾性得所依烏知世誰聖寸尺有短長爲子奮一罄尤懼有遺匿呈露匪不竟百年須臾閒邂逅幾意稱皓月滿南江素心幸可證

文

審性足知命未用惻天意世情豈能外幽靜奈夙嗜雲壑縱圖覽林水時夢至衆忽獨感深羣讐若仇避柔龢失元旨悲咤多秋思齊賢懦寡力嫉惡勁用喫素痼孰爲砭治躬老未粹羸朽君何譏吾生非得氣

又

我狂處身疏子默用意澄子實我之則益子吾奚能過愛遂忘
醻厚德徒報承今交異古道相譽成友朋願子念我好尤念其
可憎我亦攻子闕落落羞畦町磨勵出沉摯愛重生箴銘庶有
異恆交惡木驚受繩

再寄狷生約游西湖

賤者無所餘素志儻一肆君壯我未衰試與綜游事神州環大
瀛崇觀已無覬庶幾關隴壯吳越抑其次苕霅雲水閒漁釣小
恣意吾嘗泛江艇淛西一再至酒傾蓮桂香魚有濠濮致此中
疑可老此願期苟遂與子共徜徉葺宅收煙翠論文析奧蘊得
意卽取醉如是者數年別去亦無懃

夜坐有懷狷生

別子無幾時念子千萬端知子亦念我客處常寡歡大江日夜

流懷抱取一寬無爲嬰世事辛苦煎肺肝芙蓉損秋紅桂華滋
曉丹夜起散衷悒取弦爲子彈恍如執子袂共憑鳴澗湍子雖
不在前意邇毋敢謾

望海

青冥久涉想世外若有遇空香飄清風澹月洗白露龍寒動澗
吟鶴悄接秋步尋聲絃暗聞乞夢席潛布萬松蕩巖谷一花見
幽素惻惻隔明輝悽悽追逸趣海與天同遙積恨無由訴空種
人閒愁定長瓊夭樹

冶山碧霞閣理琴

擁香二客坐愔愔古籟傾樓不受琴萬瓦寒煙收晚雨數鴉荒
意託疏林推移與適無勞造斂放皆非漫着心指下風湍鳴乍
定此中幽響合潛尋

夜飲

小酒成情洽微酡失夜寒妻孥從意適風雨與燈闌聽竹能忘倦吟詩足紀歡門生尤解事擷菜滿霜盤

疏雨

兒童仰天笑自語歷歷星光何來雨竹間池上偶數聲夢餘聽之絕有情一雨添秋疏勝密正似龍門史公筆翻江倒海豈不能著語有時在幽逸

小樓對雨寄狷生

樓上風多寒已滿隱几看山忘日晚看山愛看雨前姿匿翠浮光千婉彎樓西南隅氣更佳雙峯列峙圓如卵峯下詩人學屏居花樹冥冥悶池館舉家聽雨向名山此福能消今已罕朝來示我山中吟區畫新寒紀昨暖天公無心作氣候裘袴屢更吾

亦嬾潯陽林子有同志惜哉不見江流遠雨聲不歇夜猶寒滴
滴懷人驚夢短

初一夜同阿嵐飲

微醺人意天然好無樂能歡似少時世事翻騰醒未可濁醪作
用晚應知竹風簷際撞千玉花氣宵中曳一絲對酌與君真勝
俗宜春多寫宛陵詩

初二飲姚未僧家醉歸

古香一室不緣花飲客醡醪自啜茶勝事今年勤記取開春二
日醉姚家

不勝

不勝思古憂時意畏見深心短氣人自滌蠢盆安怪石燈前百
遍賞嶙峋

人日同愈予宿濤園談藝不寐

娟逸雄豪各自奇縱心孤往世難知秋林黃葉無多子須見經營慘澹時

今亦

今亦何嘗是無須悔昨非直將家作客翻以去爲歸春淺花新
茁風來絮自飛苕川西上路無數釣魚磯

辛夷花下作

葉伯瞻二梅精舍

貪看辛夷踏破苔雨餘爛熳倚牆隈不辭終歲長含蕊爲揀芳
時始肯開萬伯瞻爲予言辛夷結一年春初始花結貌似蓮花兼氣息勢成筆陣得
胚胎一枝漫効微之乞就賞真須日日來

春初寄狷生

不多飲酒略吟詩一事差強解自怡看畫焚香常乞譜攜琴犯

雨去尋師文書譽約慵裁答流坎隨緣罷念思便是春初好消息殷勤江海報君知

小樓

小樓坐及欲棲鴉料峭新寒晚漸加纖月度林初散影水仙欹石却慳花規量行笈安詩卷檢點裝錢補畫义晞髮舊遊應待我梅莊猶得見橫斜將有麗江之行聞有梅莊

東坡生日集二梅精舍

鬚公晚年坦忘累一石一花見用意天人一漚早譽省贊李微言洩靈祕世人不知加嗔恚公自胸中無許事我生賦命亦窮冬喜與梅花得交臂百羨多捐愛見存違合之悲難割置願持一念期後枯愛養心苗長靈穗枯持詩我苗期後此中儻許有微合完守幽欣祛怖悸公生仄飲常耽酒蕉葉過三吾亦醉陶然

佳處想平生百態翻新休妄議

不寐聽雨

悒悒不可寐夜聲池樹多攝思旋起息記夢亂真訛詩儻因寒
峭春其奈雨何憶花兼憶別往歲但消磨

入春數夜連雨阿嵐每爲置酒微醉有詩

春寒飛不到燈煖酒酣中取醉聊宜薄題詩莫愛工簾花舒捲
影檐竹短長風歡意因人具吾心有汝同

雨夜

坐消巷柝轉更更一例幽人愛夜清半睡已將新夢接極思翻
覺百愁平細燈善養寒滋味疏雨真諧嬾性情敲葉傾池時迸
響驟風過處著微驚

客夜示藥根

夜游忍峭寒遲眠恣性癖悶來取戰勝百計使之懌更鉅四五
轉轉轉與惺惜傾壺瀝餘醞耳熱面儻赤倦睫坐強摩神光尙
奕奕與子幸無猜箕踞縱談劇尙賢通紳佩嫉惡奮鞭斥上邀
董狐階百靈接咫尺驟雨橫天來庭樹聞蕭摵穿扉若有光無
乃月生魄鳥號鬱鈎輞鄰疊申怨噴散衣更去履抵脚敍疇昔
細聲不震塵大聲訇墜石萬籟集虛燈古懽追一席髮宣意則
壯吾狂子頗亦良契無老醜久處見姽婳根柢善自鞏毛疵莫
用摘途趨區博隘生理渾寬窄請數元會理厚翕以爲闢聚散
焉有常摯意視今夕

冬日循城南至仁王寺

背崖依堞盡荒村磴轉橋迴得寺門霜氣著林冬葉靜雨光沈
水夕煙昏山禽信有迴翔意野老能爲感慨言乞藥勘碑十年

事無人共覓舊苔痕

夢遊理安寺鶴澗醒追寫之

碧蘚作花依古岑幽叢不雨濕涼襟微香亭外儂風肅萬綠琴
邊鶴迹深絕壑天光時隱見一山秋氣各晴陰靈僧憇笠穿雲
去黃葉千峯不可尋

同石客夜經鼓嶠

山幽幽處樹冥冥風力迴箇走怒霆遙與隔江燈火映一禾穗
上一飛螢

湖上對雨

隔湖數峯橫莽蒼湖面翠禽飛不上橋門水接寺門雲荷葉聲
添瓜葉響乍看高下漲寒光旋覺迷漫拓舊廣平畦一白散濛
濛層堞迥青交漭漭游龍鱗爪露纖磈矯首空明攫深敞聖湖

舊游坐可憶六橋雙峰略相仿三年不到看跳珠鱸鮆莼絲勞
夢想人生淹滯待誰語卽事成歡聊縱賞扁舟蓑笠爾何人風

雨如斯徐盪槳

寄懷石遺丈

石遺人天眼衆妙參真源時亦露端倪微微爲我言天秋霜始
降梧桐黃正繁片月在林陰過雲滅其痕先生凝然坐謂此至
理存賞之以幽鴛動靜參玄根我亦取琴彈流泉鳴潺湲夜深
不告歸秋聲通一垣鴻鵠志八表焉能守鄉園去矣已經年無
繇同清韻涼來遇昔景獨憶將誰言京國正西風馳思勞夢魂

春感

時外事

惜春何忍見花飛張幕懸鈴事已微千里魂銷同况味經年頭
白爲芳菲傳書黃耳渾無實吹浪江豚苦作威豈有鄰翁知愛

護借人畚耜計應非

花落花開總有時芳愁只在舊園池飛茵墜溷終吾土浪蝶狂蜂異所思早慮風霾妨始蘖長嗟藤蔓束柔枝玉兒漫戀雕闌好倚損羅衫却未知

自古沈愁未是愁如今春色忍登樓祇聞索饗鳴墟鼓焉用揚鞭策土牛綵樹張花仍錦宴華林奏樂漫移舟散寒黍谷須吹律安得鄒生與遠謀

疾雨橫風近畫檐春人小極只淹淹討方重讀桐君錄請命時煩裨史占磧面從來非悅懌齊心還計有鍼砭禽言格磔難舒鬱願奮雷霆啓戶潛

池上晚雨

萬荷欹側作秋聲受雨池心更恣鳴涼處皆香披習習暗中生

白瞭晶晶劈空雲疊懸崖狀透樹燈含遠嶼情豈意迴風還得
月杯中早映水痕明

泛湖雜詩寄陳仁先

舟行情俱移去岸纔數武煙光來親人流碧落霜宇澹然遠近
間輕鷗帶三五一時諸峯意依依對忘語平生愛蹤跡尤慕舊
儒侶世情有遷變此水足肺腑我舟定何適小泊便佳所風自
湖心生晴寒峭于雨

湖氣升爲煙顏色自相媚餘映及岡巒與明兼與翠浸深看彌
好根株俱有致正緣不分明濛濛存畫意一舟並我行低篷列
巾髻雁邊送忽遙先過煙中寺波空影自颺我槳但徐曳殘雪
猛飛來秋老蘆花外

寄題蒼蚪閣

一廬漚外照淪漣簾几空明坐渺然點易閒承花藥霧寢天時
擁蕙爐煙人如華岳凌秋旭心與真靈結古緣最憶邨厖驚吠
客小舟撑近竹籬前

每逢

每逢古樹疏籬景便作山居野處思此性宜無纍若分長言不
離澗阿詩大丹可煉心先淨小築須營事莫遲語與老妻偕汝
隱布衣充煖菜療飢

和墨泉年丈

巨篇報我稱雄裁雲屋天構非凡材積年藏畔聊委蛇探喉出
鯁聲先譴嗟君何事苦傷懷我吟爲君散胸憚昔者玄黃初判
時帝力雖厚久則疲黃土搏人分等儕岱窳者众完者稀遽蔭
戚施復夸毗闔然無剛彊以微有點而噬爲梟鳴亦悍而吞爲

鮒鯢周設冥罿捕治其類難盡還蕃滋跋跋趯趯咸無知無
怪徇俗行姦欺帝心仁愛時憫斯謂此身存心已底參以豐食
祿之衣居以旃夏誇夥頤造物於是豈有私美高止此安能奇
其餘賢哲生魁瓌已畀靈性同靈釐大寶大烹躬斯宜執簧秉
翟卑無辭就令伏蟄世相遺文章萬丈騰光輝惟道顯晦相推
移譬如氣候區霑霧終當烈澤驅蛟螭少須天地還清夷今我
與君同鬢絲植身矩羪常少諧朱扉畫角出復歸長笑羸馬安
荳藉秋清月好芻新醅與君一飲轟怒雷二豪螟蠃彼胡爲

只在

雲漢清期隔素心天門佚蕩罷追尋豈知汗漫盧敖境只在晨
香與夜琴

和墨泉園中白牡丹新開一朶時方有所悵觸因卽君意

廣之

聊勝荒枝壓小園

原詩園枝雖盛無高格一乘猶當冊作王

看花劉子最知言不將

孤色輕千蠶肯放閒愁長舊根素面暗迴燈影亂香房小歛雨
絲昏銀轄洛下春駘蕩真悔當時枉斷魂

海棠

花到海棠春力盡更難色界匿餘妍高寒儻有移根處思遍圓
靈忉利天

花裏天人是海棠雨中獨立泣殘妝世間絕代無當對除照迦
文正字光

早起

早起家居一大事先收爽氣待晴暉蟲吟鳥語天初判竹尾蒲
鬚露未晞曙戒清微消夙習意塵生滅愧玄機勝情猶欠江山

助且得關門課隱微

囂寂

在囂能見囂寸心自有寂抱之游于塵晶然不可惑向來制微
功亦用搏象力虛白生我前未可蔽一息信知囂寂界不翅人
禽畫何時兩境忘十年達摩壁

江流

江流趨海無迴勢江樹經年只舊青掠燕檣竿雲黯黯飄花濱
路雨冥冥陸離世事隨奔轂浩蕩春愁落短亭地向東南鰲足
斷人謀已窳望神靈

答墨泉賦六根舌字之作

物情知覺元殊絕巨細奚容失區別若云動植混可同夫豈人
禽類將一孩蟲聾卵禮不傷慈悲奚待西方佛我吞爾噬果誰

是可憐強弱相殘滅異時相視等髑髏何苦縱饑剔毛血與君
老去學齋心六根先懾一根舌豬蔬魚蒜放箸空簡澹隨宜異
饕餮奚須選味求食譜浪逐彼曹作罪孽間來芻酒摘園蔬相
從便醉高樓月

過雁

過雁聲高獨夜飛涼蛩語澀欲明微留香襟上無時滅印影心
頭欲辨非呼月滄溟將夢續飄花時節怨書稀一庵消伴鐘魚
老宣髮猶當願勿違

環翠樓第十二集時丁香盛開主客分賦

東風吹聚高樓雪灑作林梢萬瑤屑何人著力與整齊翦翦柔
香吐鷄舌舌夢窗華談樹老皮皴榦蟠鐵闌外青山對歸藏此
樓如在萬山中此花曾及承平日靈禽喚起舊春心浩蕩古愁

隨百結酒酣詩思亂香雲欲詠漫愁稀故實

劉君龍生爲予云
丁香花少故實

黃昏坐對窗几明過雲乍露青青月

江閣楞根上人夜談

綿雨沈春意不怡忽驚明月出江渭相逢今夕真奇夕先向來
時間去時水閣玄言疑佛現世塵苦趣豈公知明朝有約過香
積筍嫩菌柔一朶頤

山亭

二十年前燈影青今宵照我復山亭猶存明祀南塘像

戚公祠
占於外

新夷鄉人爭
塑像其中回

能語前朝古塔鈴對酒有僧傷刦火隔林無月看

春星槐黃舊侶空存沒滄海無繇聚散萍

山房餞春並送僧楞歸太姥

怕爲遠望却憑高近海南風只怒號衣上墜花香色冷天涯明

日夢魂勞蕪根千里愁難剪禪悅平生醉可逃歸去支公蘭若
好應無鶗鳩怨林皋

小齋漫興

印上漚波亦自怡偷閒據槁偶成詩合榦酒味苞雙藥百和雲
紋瘦一枝悶暑無如亭午後病天乍度熟梅時等閒憂恐乾坤
毀結念圖書叩宓犧

鳳凰池邊一石可坐舊偕碧琴游墮江寺途中憇此重過

慨然四首

舊日洪塘路離腸江水迴眼枯松底石曾坐碧琴來
失侶友世人遭傷比飲鍊四海一碧琴愛我如骨肉
汝亦有誰與秋墳自苦吟孤魂違我夢在日日相尋
此石故依然碧琴汝何處性交不到頭人閒罕全趣

猶生自嶺南歸海上有詩見示作此寄之

嶺海棲遲忍獨愁吳淞涼雨趁歸舟人生二頃何容欠負盡風光欲白頭

不忘粥鼓齋魚分未盡樵山釣水情吳越頻年稀對影拋離鷄澤愧鳬盟

晨窗

羃樹雲陰隱薄暉小窗蟬唱曉涼微香煙不信輕紗隔進退潔洄自在飛

茉莉夜遲其香愈烈

珠嬾蠻髻簇釵蟬漱漱風香浸管絃吾夜乃非渠媚得道書讀罷且安眠

補錄去年六月十五看月絕句

近代詩鈔

何振岱

二十一

露竹風槐夜氣清
粉牆一角影瓜棚
莫嫌看月中庭小
儘有樓臺負月明

奉和無辨城東水榭見憶之作

臨流就竹便佳晨
地僻尤宜寂寞身
略近風光斯憶我
知君同趣亦無人

今日雨涼不可出
一晴還熱直須來
風香佐飯非常事
爲屬池荷緩緩開

和無辨見與之作

衆鳥高飛山更幽
與君商略理前游
買蓴早起皮招陸
挈榼晴行白寄劉
顧影已憎花插鬢
嘔心何悔雪盈頭
吾田有稔須相勞
行見千篇抵滿籌

漫與絕句

古書萬卷氣吹馨坐看雙龍壁劍青買得蓮花還自供吾心太極是神靈

一席

一席吾道場一房吾洞天有酒立長瓶有書橫萬篇醉中多古思與語皆先賢神山果何處蝸牛忘垓埏出門屬墜謫近人憇罪譽凜凜復歸來放意初安便敲扉者誰子風來時泠然故人惟汝好無猜如當年披襟理鳴琴秋聲生素絃爐香出簾隙塵世疑雲烟

讎

煌煌大書張誠示神鬼與人同象魏猶緣菑滲寓勸懲未始空文絕無濟吏胥何心書細字但道饟需急捐稅牛毛繭絲析法律父老扶藜讀垂淚讎也古禮近游戲設教君當翫初意帝命

祝融教夔龍剛卯既央方色備陰陽精魅各縱橫衰亂祈禳益
靈異鼓鉦雷沸動塞途防風長人從侏儒黃金四目來于于真
繪贗幣相酬輸堂廉勿謂吾民愚土耦能與人驩娛民牧猶是
血肉軀漠視民瘼轉不如昊天二氣何時調咎徵無聞氣祲銷
蒙熊方相且不用何況干楯妨犁糠

和無辨代棋

肥瘠相看越與秦若除文字幾交親身心從此堅相約萬趣希
微莫待人

秋夜對月雜詩

竟覺秋新月亦新池邊樓角乍親人漸涼何日非佳候適我清
羸欲老身

素歡清景不相期愁絕當年韋左司我亦懷人明月夜欄干雖

好各天涯

無辨以野翁兩字見稱余方依人愧不當此雖然是吾志
也賦此以謝

平生鹿豕有心期拜錫頭銜愧美詞下漢無田供歲釀官厨分
米慰晨飢漫郎敢竊瀼西譽釣叟虛懸魯望詩老去猶存長鋏
伴翁雖果矣野何時

江上雨夕

千山萬山晚迷濛平林吞吐雲烟中飄葉續紛屋上碧零花狼
藉階前紅人言雨大風當止豈知雨急翻多風大江空闊吹尤
烈渡橋常恐肩輿裂却忘衣溼貪遠望天邊行鷺明于雪何來
老翁引舴艋箬笠持竿弄秋影風狂雨驟總不知世外君子是

耶非

答無辨秋池之約

秋池淨碧試來過直少人同趣始多知子有才能用意不將蕭瑟看枯荷

溫泉浴後坐而晚眺

山氣陰厯晚靄中日斜更染淺深紅適當坐處一泓水却爲人來幾樹風浴罷身輕如服散詩成句勁當彎弓獨游能趣吾如進偏是生疏得暫同

閨七夕洪山橋酒樓

西村江水帶平田蓄後農家尙有年人伏稻叢惟見笠羊循草路不須鞭

微覺暑殘涼意生池荷猶送晚香清停車山徑知何意記聽寒蟬第一聲

布帆一片是漁艤天捲長虹入小窗楓葉蘆花都未有只憑寒
日看秋江

松間千百點流螢照見二更江路青我愛輕涼足醒酒憑渠疏
雨換明星

嵐君怡女賦香烟詩詞頗清麗予亦繼作

霧閣雲窗禮玉晨醳醳如寫幻中身心惟一瓣曾千結影到難
疏不可親柏子秋陰沈夢境蕙花老色損愁人烏絲銀字緘藤
篋却擁風爐理夙因

苦趣自嘲

飢軀僕僕負朝昏插了梅花又出門拋却天人親俗子肝腸何
日不煩冤

道途語默百違心老骨奔馳已不任千里安能勤訪友五年未

得靜橫琴

婁塘曉發

細花猶燦昨宵燈
曉夢沈牕喚不磨
何愛紅牆鄰洞府
已成下界望觚棱
悽悽曙色催飛轂
歷歷星芒帶翠塍
誰謂川途容獨往
臨分有侶只難勝

贈陳明

字主欽嘉興人

陸沈天醉痛神洲
舉世忘憂此老憂
信有陳明真國士
一生羲孔在心頭

近代詩鈔

鄭容

容字國容福建閩縣人布衣有無辯齋詩

石遺室詩話國容足不出里門所交不過里中三數子而有詩一卷甚爲陳弢菴鄭太夷所賞大略近體工者似後村誠齋世有爲詩數十年而未能或之先者亦以難矣句如夜坐云風雨何能愁夜坐但無可與共聽人花朝云酒杯在手休輕放老去春光更值錢中夜有感云生存強作中年樂死謚甘當一字狂課徒偶作云弟子讀書聲漸暢此閒何止一瓢喧景屏軒池中云與君夜半月中坐看此林陰水底天晨作云看畫已完還展卷何曾虛坐綠陰中根樓晚吟云哀吟自足仇茲體醇

酒婦人寧易謀雜書云軒冕者誰子譏我不善變禽獸
之富貴寧敵人貧賤後數聯語頗驚悍

送龔九鶴葬

臨歧一慟涕汎瀾撫我平生死友棺黯黯相看親骨肉寥寥知
己白衣冠人天何處尋歸路風雨無情作暮寒從此北邙墳上
望白楊黃土兩漫漫

九鶴死歲已周作此祭之

貧賤驅人事可悲總無暇日泣君時生平談笑思猶見魂魄飄
零祭豈知隔世故交疑昨夢昔年墳樹長孫枝雲車風馬歸何
處欲盼精靈來下遲

和梅生

元作極
有吾儕念碧
之句

和寡不悲緣子在酒闌相意且眉開吾儕有淚得弗易流輩雖

生猶可哀

大雨河水溢寄陳樵琴

眼中積溜欲平廊想見餐醃戶外塘虛檻差容通野艇前庭直
欲設魚梁門生家近堪相守書卷樓高可預藏一事讓君瀟灑
甚床頭濯足有滄浪

贈林叟

園林聞道一塵無何日裁詩立座隅早歲已能端所履旁人但
解美其鬚得閒閉戶理花樹有約攤錢過酒壚早計買田歸隱
去天留此老與吾俱

睡醒

睡醒殘更別有情夢痕秋影不分明水流花謝思前日鳳泊鸞
飄過半生照几牕螢疑火在墜階林雨似人行枕函敲遍無詩

句孤負鐘聲與雁聲

始覺

始覺蕭條悲客心微紅燈火屋廬深西風莫更吹庭樹留與寒

蟬數日吟

和鍾壽若河樓小飲

毋因一雨敗遊興卽雨仍須攝屐來來日更看河上樹恐成黃葉點青苔

贈鄰人

一貧漸覺風懷減百計難將世事遺居傍君牆燈火近應聞歎息夜深時

物理

樹頂孤蟬似詠詩籬根羣蟻亦陳師忽然雨至丸泥溼高處風

來一髮危始覺人生多幸免細觀物理已無遺近年頽放爭機
息惜此頭顛欲白時

送林雪舟游杭州

孤雲獨去鳥高飛祇剩閒身對翠微出處原隨天性便過從漸
覺故人稀漫因世亂荒治律要念親存早拂衣浙水有情襟帶
隔艤舟他日或相依

題友人湖居

世俗縛人如網罟安得將身作漁父生買城西十頃湖死埋湖
上一坯土吳生與我同肺腑結屋此間意自古未能唾手得斯
湖先借漁舟弄風雨

月夜聚飲花下和拙廬

能令秋色接杯盤誰道蝸廬位置難簾捲月如詩句好露深人

共菊花寒數枝斜倚尤多態昨夜遲眠祇自看但取眼前清趣
永何須風味話尖團

有欲邀予入詩社著作此答之

強與時人存古調可知吾子劇無聊何如高臥南牕下雁語蟲
聲共此宵

醉後同林大年過開化寺

身廁俗人間賢豪亦等閒新晴生意興薄醉出郊關寺得明湖
助僧遲倦鳥還佳時偏易暝行戀夕陽山

依然

展轉兵間眇小身老天不屑死詩人依然來坐梅花下細細焚
香拂戰塵

月夜懷天遺

明日天遺定寄詩詩中定道月光奇何妨今夜虛齋裏爲擬先生獨坐時間話無人憎對影清輝如水見低眉從來氣類多相感思子還知子我思

次韻天遺夜譚有感

百種矜奇讓少年等閒贏得一嘻然坐遲夜燭知人倦意澹秋花爲我妍未梓新詩須遞錄難逢佳士且隨緣九原喚起何少龔鳴子輩共語光宣喪亂前

七月九日碧栖招集李園沈公祠

秋炎承殘暑逼我欲無地體胖居未廣坐此成大累山陲沈公祠境閬人所棄軒軒神宇旁吾師精靈萃松中附子祠師性本蕭閒亦喜飲文字碧栖此佳招風雅侔氣類褰衣亂木間商飄習然至露果低可摘風蟬逸欲墜平池明樹底細路接城次野趣

謝塵囂冷身足吟醉新蟾送斜陽空明滿蒼翠歸路更悠然白
葛生涼意

石遺室前新鑿小池詩以落之

石遺先生無不奇閉門頃刻開方池平生看瀑記多少戀此勺
水將何爲池上竹竿敲寒玉齋頭書卷明深綠客來相對澹無
言不知有雅何論俗微風初動波粼粼無萍無藻無纖塵曉起
憑闌意自得能使詩句生清新頻年世事困瑣瑣安得時來一
靜坐先生之樂似有云不必觀魚但觀我

池未養魚

化城寺晚望

百忙未忍棄秋晴隨意來登舊化城一片新經兵燹地夕陽莫
放十分明

雨中登鏡湖亭呈同游諸子

亂雲爭堆山逾奇白雨更與湖相宜湖天近暝復迷離飛橋遙
樹生寒姿扁舟渺然人影小枯荷殘芰相參差晴光漵灘未爲
好異景乃在煙波時何事亭間徒悶坐湖上老漁堪作夥不如
往借一釣槎弄水弄煙無不可

雨夜寄枚生

各將風雨作良宵莫怪常人道寂寥多此池亭三兩樹比君書
屋更瀟瀟

夜歸

家無兄弟依朋友孝陳元句朋友於今孰可依心怯淒風街靜候手
携磚子夜深歸溷身濁俗生爲贅託命殘經力已微更蓄滿眶
憂國淚何人林下與同揮

夏夜偶成效放翁體

大馬高車赤日中何如坦腹北窗風晝長漸覺閒無賴睡美方
知靜有功徒具癡肥非道勝郤贏窮拙未詩工筇篠巾葛呼兒
辦預備他年作老翁

爲半野軒購鴛鴦作此寄之

好與鷗鳧作比鄰池亭點綴助鮮新爲渠伉儷謀安處郤是人
間獨宿人

夜吟

夜分少破移時睡明日多添幾首詩紅日一升佳想斷只餘世
事使人悲

莫怪年來少作詩性情不與世相宜羌無清興多孤憤未足娛
心且謾時

游深山居園有感

門掩竟虛佳日過園荒想見主人忙老松不比閒花木灌漑雖疏亦自長

能清燕穢便良圖小小園林可自娛所植已繁難檢點放他瓜蔓上高梧

夏夜攜壯兒納涼作

插花淪茗又焚香父子相携作道場忙者得閒時亦暫畫雖恆熱夜彌涼漫憂國少三年蓄翻喜身無一藝長澹薄門庭冷情性不妨世我兩相忘

小西湖憶龔九鶴

煙林愁色入模糊似展登臨舊畫圖世短老懷誰可共君存吾黨不會孤扁舟記取看斜照雙影冷然落此湖今日獨游歸未忍水禽向暝正相呼

五十自壽

蕭蕭短巷嵩山麓中有欺斜一椽屋同居老嫗八十三膝下兒
年六十六嫗健門庭任掃炊兒行風雨如黃犢山人依此百無
憂飯飽眠酣事課讀鰥夫有子不妨鰥安用梅花作眷屬床空
夢靜逐孤雲窗淨風清過疏竹入則几榻有琴書出則鄉鄰無
謗讟逍遙我且爲身謀何暇隨人僞歌哭吾年五十未留鬚健
啖依然身不彿披巾曳屨意得得水濱林下來于于古人已往
今人傲胸蓄妙言無可告不如把酒賦新詩獨立蒼茫聊自賀

初秋坐夜

不遣燈光亂月光無風露坐自生涼梵言隔院千聲佛花氣中
庭一脈香良夜能令拋美睡老夫非爲怯空房十分消受知逾
分更冒詩名未免狂

西湖曉臨

平生幽癖愛晴煙來看濛濛破曉天社事已凋誰念及湖流雖
旱尙悠然早寒少忍吟樓上初日須臾出樹巔著我綺窗朱戶
裏此時不過任酣眠

正月十六日憶烏石山僧

連日笙歌已厭聞幽齋無侶坐思君渺然能與茶煙合惟有烏
山一片雲

送白烟閣酒賦得坐題詩頌之贈茶餘白話
五良十六日戲就还山僧

東坡不勝狂酒別

早辭遼海暮還京
北望故鄉心更急
南歸未可盡言歸
西歸未可盡言歸

西歸

近代詩鈔

壽富

壽富字伯茀滿洲宗室光緒戊戌進士官翰林院編修
和彥復見贈

故人天末問平安拈筆臨風意萬端浩刼華夷同苦毒危時仕
隱兩艱難白雲芳草應無恙玉宇瓊樓日愈寒別後情懷驗雙
袖至今熱淚未曾乾

送石遺南歸別後寄

瀟灑元龍意氣真登堂握手便相親山河千里有知己文字三
生悟夙因賭酒圖詩消永晝落花飛絮寫殘春那知傾蓋論交
日已是驪歌送別辰

西山轉瞬又經秋木葉丹黃豁兩眸萬樹霞光當日落滿林春

近代詩鈔

壽富

一

色爲霜留峯頭畫本隨時變囊裏新詩到處收惆恨燕京好風
景故人何事不同遊

醉中題壁

曾憲

衰草蕭蕭暮江空，短衣瘦馬對西風。
平笑苦逢諷風意，萬物皆華更同苦。悲歌賦韻

良餽

日落蕭疏宋室空，北歸南歸十日窮。

醉中題壁

通志稿

近代詩鈔


袁勵準

勵準字玆生直隸大興人光緒戊戌進士官翰林院編修

贈別四首呈仲實索和

錄一

君魂何處賦來歸南北東西今昔非早歲曾爲梁苑客頻年又
息漢陰機幸無一臥違青瑣忍對千家坐翠微况我秋來最傷
別離心早上灞橋飛



近代詩鈔

楊增鑾

增鑾字昀谷江西新建人光緒戊戌進士官四川候補知府

秋日同香宋侍御游西山宿戒壇

秋風吹白雲挂在城西岑一山如馬鞍中有七寶林唐碑漸苔
沒石罅花深深坐久夕陽下數蟬調古琴松濤與鐘磬並起作
梵音吾曹抱冷性涼月初在襟有酒且復酌此樂難重尋倦後
夢無據山靈知此心

山中同香宋作

亂後石幢在到來秋味真一龜松入定三日雨留人老至思殘
衲山空得古春酒闌同說夢和月問前身

近代詩鈔

楊增鑾

贈曇寬上人

卅年留得破袈裟
鎮日關門誦法華
愛衆常聞申五戒
安禪不廢演三車
參山度海身將老
食粥棲茅願已奢
記取松風傳妙偈
人間何地似君家

壽堯公

坐對黃花憶生日
一杯重屬傅鵠觚
近來闕事復安在
老去閒情頗不孤
詩力驅風颺松石
夢痕和月落江湖
與君脈脈共秋味
誰信人間有腐儒

題石遺所居小秀野草堂

斜街記訪俠君廬
小坐貪看月上初
便具杯盤皆雅澹
微吟草樹亦清疏
秋風一別驚殘臘
閩海應能著老漁
俊僕臨池如谷口
寄詩端合使渠書

君有懷能詩堪
書陪似歸蘇

訊伯嚴

一樓自據爲天地樓外車聲逐日過夜聽海潮知夢短口銜石
闕閱人多思鄉贋有青山在對酒其如白髮何想得閉門無可
遣燈前展劍詠荆軻

四海無家對影孤餘生猶幸有江湖鷺鷗人外能相慰龍象天
邊不可呼酒後偶聞評穢史年時真悔讀陰符舍君痛哭知無
所明日登樓看海枯

會祭陳后山先生未至示同人

近人偏嗜梅都官君胡獨取陳后山書來約我法源寺酌以芳
醑敷椒蘭今日何日歲欲闌我恨不如老衲閒月餘悅悅無一
字政坐不諳曹洞禪知陳最深者三賢曾鞏蘇軾黃庭堅王雲
掃門已不及僅從魏衍得數編君之黨陳與梅抗三賢雖好無

此專我於是日不與祭亦如王子嗟緣慳吾曹論古何敢偏窮
源要溯天中天梅陳好句絕可愛其力僅足造一關強譽一家
冠千古逆知古人心未安后山有知必大笑子言允矣詩仍寒
我懼一寒尙未徹去來苦被塵勞牽袖詩呈佛不知愧佛當洗
我菩提泉

送堯生歸蜀

歸計真忘蜀道難燈前強說醉鄉寬
崎人自古爲時棄諫草零星作史看
天地故應窮位置文章曾不捄飢寒
荻花風葉瞿塘路後夜秋風寸寸灘

題伯嚴清明上塚詩後

寇退曾子返晴廬悅在目亂來幾清明殘陽蕩林谷中丞退居
時夢寐憂顛覆寧知十餘載遽已丁百六公子人中龍窮老走

江麓歸來春非春含涕薦野蔌七日別山去四山杜鵑哭銜悲
渡章水鴨嘯風雨屋示我上塚詩其聲淒以促問天天豈聞相
對但躡躅

約伯嚴遊大梅寺

大梅古寺補迦山花木中天玉一彎漫士墨痕逃劫外美公詩
卷散人間芳甘泉味能留客掩抑雲心學補關老去陳陶堅自
晦可無幽處寄荒閒

有感

便得微風散暮陰鴻荒元氣渺難尋抽刀斷水羣鮫泣倚杵看
天萬鬼瘡此後煙雲隨變化古來賢聖各消沈卷旆不死空淒
絕政苦無人與拔心

次韵疇堯公見贈

來往人間未是歸長安漸次故交稀酒邊此意供長嘯夢外何
天遂退飛相對無繇論得失所憂甯獨爲寒飢羅浮一例峨眉

好老轉荒龕舊草衣

贈香宋漱唐兩侍御


用意微殊救世同柏臺交舊古人風愁來食蘖心常苦事到移
山力已窮自笑一官應棄外頗聞十疏半留中尊前糾得天方
醉早報寒江釣雪翁

題堯生侍御香宋圖

一官山色夢嘉州羨汝南榮松菊秋綠綺親傳蜀僧語清池猶
省宋時留閉門高臥疑安石當代論詩數倚樓暫別家園知復
悔渺然人海泛虛舟

酒邊一卷當還鄉笑我南遊鬢欲霜八載燕臺共春夢三間茅

屋付行裝恩仇併世悲牛李文字西行重馬楊老去願充園圃
役畫中鋤月醉花香



近代詩鈔

王式通

式通字書衡山西汾陽人光緒戊戌進士官大理院推
丞

題島田彥楨皕宋樓藏書源流攷絕句十二首

意輕疏雨陋芳椒賓客文章下筆驕割取書城歸舶載蘋風悽

絕駱駝橋

李宗蓮皕宋樓藏書志序盛稱潛園先生求書之勤謂嘉間石冢嚴氏芬椒堂南薄劉氏疏雨山房皆

足以與先生比長絜短雖大言著錄寥寥

儀顧堂前子弟佳一家志趣尙難諳清風輝映吳興錄晉石厂

承咫進齋

子歸安慰祖字公藝父老子皆好藏書方伯刻咫進齋叢書皆

石公藝別刻晉書

丁董羅陳嗜好偏書亡同損一宵眠重思獻縣違心語泡影山

近代詩鈔 王式通

河祇偶然

紀叔

文雅

授經

趙叔

韞士

可皆有書

癖

聞信

相告

武康

山中

手而

畫已

鬼哭何所見之不達耶大地山河佛以爲泡影區區者復何足

紀曉嵐故物是亦佳話何所恨哉語最曠紙乃北宋文達公羊傳又言嘗見

媒媼玉佩數事云某公家求售外裏殘紙乃北宋槩公羊傳四

史葉爲惆悵久之則仍未能達觀也故葉緣裂太

翁潘大雅今銷歇江費風流並寂寥坐使靜嘉騰寶氣人生快

事讓君驕

嘉慶

氏

文庫

宋

樓十

萬

卷

樓守

先

閣

之書

盡歸

岩崎氏

靜

大稱快事

疏草重尋一涕洟藏書初願總參差雷塘弟子思前夢親見虛

懷討論時

具長

沙張

達

師

擬

奏設圖書館

於今

春

二月

薨

於稿

已

調停頭白范純仁俯仰千秋獨愴神有客爲書曾乞命湘濱宿

草已三春首

亦用廣雅

刑部名希聖

曾進建館藏

書年相

國詩句

在國

建館藏

卯年之

謙相

國有

意鄉提

倡會以出世嗣無識及此事者不

巴陵方與歸安陸一樣書林厄運過雁影齋空題跋在流傳精

槧已無多

亦元巴陵方遣著有藏書雁影齋題跋所見多

海外琳瑯亞漢京客探祕笈品題精微聞東士傳新語翻案來

朝畏後生

學客至秋九月二十八日在鞠町御料理地宮內省所轄之圖書寮觀兩府

藏書典守者羅

惟茲事差強人意仲老戲曰君勿意殊誠懇培老謂東游以

歐化東行漢籍摧書生有志力能回竹添餘論篁村教家學師

承造此才

彥楨所師爲竹添君名光鴻字井井著有左傳會通鑑宋鑑

見平生

鹽谷無他嗜好但愛書畫藏葬葬二萬餘卷

未窺舊籍談新理不讀西書恃譯編亞槧歐鉛同一块千元百

宋更懵然

侯官嚴幾道先生每教人以瀏覽於古書熟精西文爲研究新學之根柢客冬晤先生於上海語及近年文爲

文之實太息不已

科學之

三島於今有酉山海濤東去待西還愁聞白髮談天寶望贖文

近代詩鈔

王式通

二

姬返漢關

如海王城大隱深遺經獨抱幾沉吟白雲蒼狗看無定難遣牆
東避世心

近代詩鈔

鄧 實

實字秋枚廣東順德人

題徐俟齋畫山水

故山如在有無中
堪歎遺民落筆工
賣畫驢歸人獨坐
數株松翠晚搖風

秋夜檢亡弟秋門遺詩

白日忽已暮
西風吹我廬
幾日不出門
庭葉落已無
大野空蒼蒼
寧爲載愁區
來日適大難
去者不可呼
海水日夜東
暫留難斯須
嗟哉我弟兄
壯歲多崎嶇
南北萬里別
坐哭天一隅
天寒各歸家
慘慘顏色枯
生無一命寄
死無一日娛
汝歌動我懷
汝吟憎煩吁
汝病我鋤藥
泥足荒丘塗
暮歸坐床頭
寒燈照人孤

一朝辭我去埋骨青山墟月明荒草碧萬古長歎歎我悲汝不知辛苦獨愁予愁予亦已矣生死竟何如寒風吹敝帷秋堂夜空虛黯黯青楓林魂來若模糊展篋欲吞聲終宵自躊躇俯仰千載名人事恐見疏感此不能寐起行步前除草蟲鳴我旁微

霜沾人裾

題方君羊城雜詠

江東詩句阿龍超白紵歌詞紫玉簫我倚紅闌聽不得殘鴉煙水柳波橋

近代詩鈔

鄧 方

方字方君一字秋門廣東順德人有小雅廩詩集
石遺室詩話余未識秋門曾識其兄秋枚皆才人也秋
門早卒年僅二十有一已有駢體文一卷詩八卷千有
餘首大略五言多近漁洋七言多近梅村斯已難矣茲
特錄其不近梅村漁洋者若干首斷句如鶯花話舊張
三影詞賦哀時郭四朝夢尋紫邇蠕蠕塞身號青山僕
僕仙東南孔雀飛飛去西北高樓渺渺憑一城花月庾
開府兩鬢江山趙倚樓集句如三峽樓臺淹日月五陵
衣馬自輕肥對仗皆工

雙瀑

近代詩鈔 鄧 方

雙泉天際來勢若龍引頸餘波下擊地又如虎嘯猛清寒及一
里奔崩應萬嶺入暮山有神我來先自屏凍逼身半僵骨戰血
逗瘦衆山靜已睡獨對一片影時聞擊拊聲羣仙宴峯頂磴滑
不可梯陰陰羃寒景風吹磽松月高照石壁靜去眠高士祠秋
鐙夢江艇

吳淞江口觀音閣坐月

涼風吹雨過海水萬頃碧飛閣對吳淞返照射畫壁壁上雲氣
開古佛露鐵脊我來待明蟾焚香坐瑤席道士暮不歸瓦鼎餘
素食紺殿氣冰冷下睨見飛翼溟濛淡水洋月出若可摘皓皓
天河秋磊磊疏星夕迴睨寶山城城影水中黑沈酣萬家夢上
有片月白是時聞哀鴻淒切不可極無人伴清寒兩鬢上江色
但見白衣神佛火光寂歷

火車中望都城諸山

曉月下蘆溝行人坐山脰出郭未五里嶺巖峙萬嶺拔地形鸞
翔竟天勢馬騁玉泉頗蜿蜒錦屏獨修整巖去奇若失峯來美
先逞嵯峨霞鶴背晴初陽雁邊炯西山百枝幹下盤十萬井遙知
登高人俯見田稜稜千仞青巒屹秋色壓我頂西風吹枯山野
火燒亂梗車行迅風飈驚魂與輪迭揮手謝山神遙見飛鳥影

雁門行

鄉尻聞人述甯武雁門關形勝譚次色飛爲撰是作

三晉山勢皆趨東東連薊門盡堯封山西之關四十餘扼險踞
隘疑爭雄中有雁門最高絕關形屈曲長蛇同偏頭下垂五寨
口拖尾走繞三城衝樹木鱗鱗萬萬片蛇背突兀摩蒼穹雲中
趾爪微有無全形半入天門峯鵬鳥扶搖不敢度猱猱攀捷驚

籠谼馬頭裂石劃汾代得觀此境非天窮蜿蜒一線開地軸疑
有鬼斧兼神工天梯上下互鈎鎖獨馬左右穿蠶叢虎豺逼人
氣已慄懸厓半步心先忡仰眎一髮掛藤蔓盤虛人馬如蟻蠓
絕頂側窺見全晉嘵吸上與青天通我馬不前路陡斷舉手欲
接冥冥鴻入關積氣冷徹踵層冰萬丈無時溶此地相逢半人
鬼漢家戰骨爲沙蟲關內關外一萬里但見秦月懸青銅明明
照見秦牆中古時燭淚堆龍磼暗門落木嘵金城草間礌礌何
王宮劉琨通胡割五縣塞土又作千年紅惜哉此老大非計不
如獨眼唐家龍三垂岡下馳紫電綠衣義兒終成功殘唐半壁
魚肉爛太原獨守甯非恭後來北漢橫草起死寇亦掣南來鋒
抱孫弄子日爲樂四十有載無稱戎輿圖南隸乃天意割除終
勝長城公朔雲燕月我來處鼓聲擂動干穹窿念家山裏鳥嘵

風青蛾老去歌雲空壯士無家枕白骨宮人遠嫁隨秋蓬何年
燒荒山童童監門夜守狼頭烽撫彗星兮躡天虹登臨涕下雲
濛濛揚鞭走馬復西去古人不見誰掛弓

梅

細雨關山路江南兩度梅真成道旁折復傍戰場開雪裏行舟
泊春前驛使來垂垂花自發歲暮有人哀

去滬城

源裏王坼宅江前季迪家我來問漁父人去見梅花舊館生春
水孤鴈入暮霞招魂楊老鐵哀怨起琵琶

有送

細雨一杯酒野花飛客途東風動人柳幾日到姑蘇華髮作孤
客綠春生五湖如尋賈春客爲過伯通廡

與同學黃四任二家兄實君午出北郭小飲寶漢茶寮觀

馬廿四娘墓券

落木急寥空蒼蒼秋色中重城臨粵秀萬嶺導南雄霸氣殘山
紫瓦人古柳紅茶寮話金石醇酒向西風

放言

風雨高吟兩鬢塵閉門敢已定千春花邨事業虛耆舊獨漉文
章見苦辛滿地江湖餘我輩百年河嶽幾詩人古賢遺直今寥
落香草誰家著意新

楚火

楚火連檣下帝京大江無數鐵枝橫山圍故國南朝小酒釀兵
廚北府清歸雁斜飛瓜步月落潮幽咽蔣州城景陽又是樓鐘
動霸氣潛銷是此聲

樵官上冢詞

亂峯陰霽畫零星羅葛風香礀上亭如蠶行人高下去杜鵑紅
外四山青


東箱題壁

酒冷香微下玉鈎更無人處獨登樓梧桐吹墮一階影暮雨瀟
瀟曉未休

羊山雜詠

寂寞呼鸞古道微斷垣殘瓦雨霏霏銷魂不見王貽上斜日紅
棉作絮飛

寶漢茶寮賣酒旗濃秋煙景晚唐詩馬家廿四娘如夢一路青
山叫畫龐




近代詩鈔

沈贊清

贊清字雁南侯官人文肅孫官廣東候補道

讀舅氏木菴先生遺詩泫然有作

青山圓碣想靈暉可但能詩世所希七品宰官從薄暮先生絕學直扶微觀人子弟深自省訓言先生對鏡風霜屢厚非少日拊頭期宅相此時胸臆祇重歎



近代詩鈔

曾毓瑜

毓瑜字□□湖南湘鄉人有東溪詩草

西征曲

當年肆伐振軍威疏勒城頭羽檄飛步卒日行三百里旌旗一
到解重圍

窮邊山隘費探尋回部魁渠一戰擒西過敦煌六千里豐碑紀
績邁裴岑明湘軍擒余小虎於
約路立碑紀功

十里荒郊草色殷戰場寒樹弄斜曛可憐雁塞迷離塚半是湖
湘子弟墳

十里黃河東北流經舞陽縣南、舞陽河對縣西流謂之平陽縣

舞陽縣

漢立平陽縣
今小縣也

舞陽縣北流經舞陽縣西、舞陽縣西流經舞陽縣六十里豐陽縣

舞陽縣

漢立舞陽縣
今小縣也

舞陽縣北流經舞陽縣東、舞陽縣東流經舞陽縣北六十里豐陽縣

舞陽縣

漢立舞陽縣
今小縣也

舞陽縣北流經舞陽縣東、舞陽縣東流經舞陽縣北六十里豐陽縣

舞陽縣

漢立舞陽縣
今小縣也

舞陽縣

漢立舞陽縣
今小縣也

近代詩鈔

桂念祖

念祖字伯華江西德化人有遺詩一卷

次韻酬某君

詩心淡後無奇句世事談多有淚痕與子細尋無味味共余相
喻不言言當來彌勒終生世過去巫咸尙理冤試把十方三世
看鐵渾峩亦不須吞

登關口臺町最高處納涼有作

登臨爽氣新愁客暫怡神草木都遺世川雲解媚人趣幽雙蝶
見涼早一蟬聞那識家園路炎天莽寇氛

贈陳詩

吾哀謝靈運心雜誤清修又慕李長吉才奇預聖流古今三語

近代詩鈔

桂念祖

一

據天地一詩囚詩也真同調何年結習休

近代詩鈔

傅嶽棻

嶽棻字治薌湖北江夏人光緒壬寅舉人官教育部總長

自申歸鄂舟中書感

舟行溯江尾未覺離海門洪濤接混茫運化同崩奔但見滔日
勢誰知濫觴源非聞海若語將爲河伯言世亂輕遠行心寂辨
羣喧結侶得良友密坐情話溫遠樹若禾稼微見青黃痕秋風
正搖落蕭瑟滿乾坤流波無時休生理日難論家山阻雲濤荒
江日昏昏

舟行中江上流晨起卽景

晨興懷秋深江光淨毛髮水煙如白雲漠漠山水合舟近漸疎
近代詩鈔

傅嶽棻

一

散次第見叢薄安得長空濛中著幽人宅清景急追摹歸與畫

師說

松厂時
尙在鄂

石遺老人避兵北來過小齋讌集卽次其贈散原韻奉贈

並呈天琴泊園兩丈


雪力不如雨破塊九衢昏曠厭塵壘衝寒一老闖然來不分今
卿與昨拜甫晉書皇傳車船萬里若奔馳髭雪鬢霜氣不憊故鄉歸
隱好江山家居頓被羣兒壞未來萬口已爭傳消息先遣詩爲
介秋風不得會幔亭客星未許釣嚴瀨兵間轉側度如常真人
固知息於內上都耆舊勝東南雞鳴能破風雨晦召邀勝侶盡
詩流到處尋常無酒債崛然並峙皆大國有如潯江分九派秀
句苔翠擷鮮新雄詞鯨濤跋澎湃吹噓元氣可回春善養寧虞
豹食外從來大隱宜金門翁曾一誤其可再銷憂較勝粲依劉

乘興無同獻訪戴冷齋夜話具薄供漫說滄波性所愛

杜荀老滄樹

愛性所時流佞佛食無肉知味仍受孔子戒佇看一戰霸詩壇喜

過破賊聞兒輩



近代詩鈔

林 翰

翰字西園號羽人福建莆田人光緒壬寅舉人
石遺室詩話西園詩工不淺意境時有獨到處惜其讀
禮里居余又避亂遠遊不得就其全稿選之

秋日雜興

中原此局算衰殘蕭瑟江關活計難白髮黃金雙怪物看人老
大與飢寒

肯損秋齋一夜眠望空微喟擘瑤箋七分星月三分雁占斷東
南萬里天

謙宣招賞牡丹因讌客不赴詩以紀憾並和見示之作

佳招不赴自提壺爲問名花笑我無久客鬢輸山色綠新年詩

共雨聲颶百場冠蓋都成閨一席風騷獨向隅檻外落紅君莫
掃倘容叩闥補歡娛

遊濤園

列坐聽談詩名園許一窺振衣上危磴側帽避低枝江遠烟帆
小山空晚鳥飢兩朝興廢事猶有老松知

環碧池館賦呈同社諸子

勸君莫拒飲勝地那易得亭榭抱幽意花竹弄晴色昔人遺水
石所以待幽客池魚無遠心庭鶴有倦翮及茲物感靜把酒共
芳夕不醉負名園風林發歎息林梢纖月上照我髮將白

春盡日飲匹園歸賦

江城一角遠塵喧小築樓臺有此園白酒與春期後約烏山俯
座聽清言燈前看鬢花光在

花園中閣有

竹裏行廚野意存頗喜今

年塵累少屢陪籍湜到韓門

奉約石遺師暨社人四月十八日飲宛在堂

中年光景已奔輪再到湖堂不是春記否禊辰同倚檻碧桃始綻柳初匀

苦覓尖父百不成携魚沽酒出西城片時占作湖山主端恐詩龕有笑聲

平遠臺前欠一詩又攜衣著對風漪明宵遊興知誰足坐到鐘鳴月上時

社人三次集半野軒賦答仲純特觀鑑保秀淵梅峯

名園豈厭頻頻至只恐名園厭酒徒天下荔枝吾邑最

嘗以荔子蒲產

社 餉 同 湖 堂

上月十五夜之飲則終席不見後得月

未秋

華髮驚爲客向晚紅橋想釣鱸

鈎園

內有橋絕愛平池人影定天然

一幅說詩圖

秋日集怡山長慶寺分韻得居字

佛家六賊一曰口談詩飲酒真狂愚三山之閒戶十萬何地不足供行廚晨興嘯侶出西郭競跨柴轂乘筍輿千章老松十尋荔竦立不動迎路隅山門金剛駭異事入告佛祖皆軒渠詩人與佛乃殊嗜從以肥肉兼大魚佛言詩人亦不惡其性大抵親浮屠伊蒲且具地主饌饗餐何損梵王居寺鐘沉沉日照席亭午置酒臨前除須臾座中狂態出眼耳鼻舌驚萬殊或移枕簟就禪榻或索鐸鑰觀御書御筆有清聖祖或如髡朔擅諧笑或若嵇阮能歎歎閒情或問交甫珮豪氣或話終軍繻輕雲微風散塵暑千佛列坐寬有餘佛也莊嚴客放浪揮之不去歸徐徐似聞蓮臺有微旨咨汝屏翳將雲車怡山諸客興未盡汝作陰雨

爲之驅亦使卜晝不卜夜免酒肉氣熏苾芻陽烏忽匿西海嵎
客去不顧疑絕裾北山黑雲逐人至頭上盤盜傾萬珠徒行未
將笠與屐自笑巖溜垂鬚鬚野曠何由得借避路滑相戒毋疾
趨佛言薄懲此已足還汝晴霽行康衢燈明移樽入酒肆好月
仍與詩人俱我意詩人寡詩料安知此雨非急需况勞天龍洗
衣烏六垢浴盡輕我軀西向怡山禮佛祖道我拜賜爲何如

西園舊址分韻得賦字

主人選勝六塘路一水一木皆掌故中使軒車不再來

督 詞 帕 爲 明

者 游 謙
孫陳林李隨朝露古今何歲無中秋曾飲此園客無數
我來倚樽待秋月月與園林有雅素園名我字縱相同王謝爭
墩那學步人生有力占林泉歡樂未終造物妬陵谷易遷况片
土他人入室公毋怒商 園 今 為 緗公所 朝來繁盛夕爲墟捷足得之何

足慕廢沼已無畫舸橫小樓僅有綠陰護數百年來游讌場賸得水邊數行樹下階撫樹發歸興明月勸我且須住我亦海濱有數椽他時歸擬小園賦

同社諸子集湖上開化禪院並邀勛甫友漁夜飲分得常字

雨菘霜蟹亦家常清夜湖亭勸舉觴雜樹亂遮三面水疏鐘閒打二更涼坐呼白月陪生客醉看青山似故鄉一事令人相動色新來詩旆頗飛揚

鑑保招同秀淵仲純友漁梅峰冒雨飲洪江酒肆旣晴遂遊小金山限用肴韻

蘇侯豪氣能剽蛟臨江踞坐呼酒肴酒酣喝兩兩爲霽羲和捧日懸雲梢洪塘有山似京口具體而小疑浮匏山門留帶有家

法速我訪寺褰衣稍我昔澑江見樓閣阻雨返櫂山靈嘲雨師
今日肯退舍一補遊興天所教江船不來午市散人影六七行
山均循山得園息腰脚簪組到此從可拋

順道觀曹能始石倉園

石倉新

主已豪富却與野老爭衡茅行行林際見澄練青山一邇江爲
包水心孤塔逞骨力坐聽激浪鳴千鎊今年秋漲刷山腳梵宇
破壞如危巢四十四公飽風雨

四塔江寺有洪塘

天寒守戶惟蛸

蠻江山四面幸不改此遊尙勿輕訾警回舟試看山下石筭眼
形與蜂窠清茶坊一客怪久待

秀淵不登舟待於岸上茶肆

謂泉之美逾虎

跑涉江惜無中泠水攜與品茗閒推敲且歸作詩寫江色可有
寒語如孟郊水邊行人指故宅不往爲恐勞山庖

江鑑保舊居在側因暮未

桂

題濤園集

近代詩鈔 林翰

四

同光閩才門戶立公亦宏博矯風習

沈乙
春陵之策杜鵑詩臣

志語

結有言臣甫泣諸夏無君亦已久閨編猶署義熙集盲左鬚蘇

兩可兒平生從容與拜揖瑕丘作史周道衰玉局謫官宋事急

可知世臣矢忠愛意與千古通呼吸烏山有園富松栝影前兩

度瞻屐笠遺詩猶作老松聲龍鬚呼號風雨及采薇故人半告

存晚晴簃外攜詩入

和謙宣息園落成作

吾宗豪俊世所驚卜宅酒衙常清醒俸祿到手不愛惜揮斥盡
以張園亭園成置酒召賓客庭花百態開婷娉主人所樂客與
有登樓一覽青山青好書萬卷不屬意意在梅譜兼鶴經客亦
有園僅盈畝近市未足娛心形雜樹比梅孰妍好鵝鴨與鶴誰
甯馨老逋家法不能守敢以凡骨儕仙靈人間倘有換骨藥吸

景願與參黃庭息園主人且休息客去不擾園清甯梅花娟娟
正弄影鶴聲一一皆可聽

伯修鐵庵以半野軒池魚讌客鮮白非市上所及以詩美
之

六月荔支十月魚吳園食品兩稱絕紅蓮青草皆魚辭碧池須
臾化作銀盤雪盤中羣筯相槎枒勢如飢鷹攫毛血江鱸漢鰔
那復思舉網便堪飽饗餐再來主人但置鱠雞鷺羊豚可不設
東坡生日鑑保將假息園祭之簡以長句並示社人

一年社事真草草祭詩先祭眉山老眉山後人念初祖雲輶風
馭來應早當時李委吹玉笛江上主賓盡傾倒息園梅花亦復
佳香雪滿階未忍掃何人解奏鶴南飛舉酒定須問晴昊西湖
酒畔無桓箏歌詩亦足開懷抱

用坡公燕西湖語

陽

設位先爲三日

齋擁爐未脫一行稿摩眼瓶花政笑人寒肩吟聳詩難好

近代詩鈔

陳敬

敬字公和號大彌福建侯官人光緒壬寅舉人官廣東知縣有問神室詩

石遺室詩話大姪大彌六甥沈墨藻口皆未嘗言詩余壹不知墨藻所作可存者竟有百十首遲之又久始見之曾爲作一小序後在都付印又不寄余今年欲選其詩倉卒遂無從覓得矣大彌亦有詩百餘首身後始檢出多苦語年少旅食四方中更骨肉死喪之戚也句云客久轉無家可憶官清頗訝仕逾貧可以知其身世對句指其父宰博野時稿中有七言古體一首大致頗工而塗乙狂草不可盡識矣

鶴仙樓晚眺

黃埃滾滾拂雲平
根觸天涯去
國情老樹疑花殘
雪在壞垣忽紫夕
陽明人遊燕趙
多悲慨
詩入中年有變聲
我欲借君雙健翮
試搏九萬睨滄溟

憔悴

憔悴惟餘瘦勝肥
過都歷塊素心違
一年疑短吾將老
十上難行術已非
生意不除春草滿
歡情漸減曉星微
連宵忽作還鄉夢
便是還鄉詎息機

花朝

料峭東風日又斜
土牆茅屋是吾家
天涯行徧無芳草
敢向花朝更問花

寒食

衙齋冷淡似僧寮記節還看插柳條時事漸非糠及米人言大
誤爵毋刀故鄉可過多佳日惡夢連番到昨宵爲憶小西湖上
路魏城宿草定蕭蕭

偶成

一室豈天下還須好自謀鑿池期得月種菊試粧秋王衍空三
窟張衡只四愁西風如有意吹夢下南州

秋晚

韶光無奈去匆匆稚柳嬌黃不耐風玉宇高寒憐顧兔沙洲縹
緲見飛鴻片雲出岫難成雨孤日行天忽貫虹莫向危樓頻徙
倚滿川煙草斷腸中

大雪

一粲能教萬瓦妍深寒直欲警朝眠熏爐著手頻疑燼舊釀沾

唇漸覺賢且忍積陰過幾日會看大熟卽明年不堪回首平生
處華髮蕭蕭欲墜顛

哭寅兒

此恨真無淚可傾况非襁褓更鍾情平生兩度傷心處樓下無
人見月明

居亡婦死日亦樓
月明如晝

近代詩鈔

董子良


子良字仲純號弓園福建長樂人光緒壬寅舉人

次韻答謙宣招飲中隱齋賞牡丹

也作詩人也作官也將隙地拓來寬新懸齋匾額中隱欲富春
光買牡丹杯酒添陪詞客集盤蔬遠勝腐儒餐此花自昔吾州
少醉向窗前仔細看

答梅峰招集環碧池館之作

我悵春光留不住匹園餞送有餘思何期環碧飛觴日緊接花
光索句時宿酒雖醒猶作病舊逋未了又催詩長篇說盡池塘
景險韻尖义敢鬥奇



近代詩鈔

張葆達

葆達字秀淵號知非福建閩縣人光緒壬寅舉人

春盡日石遺師招飲皆山樓賦呈二首

春光九十日兀兀塵中擲及茲一隙存轉覺春可惜惜春還自
惜我與春同客春去能再來我髮年年白歡情忽尋常幽事貴
陳迹

樓高不百尺啟牖卽烏石借問春何如淡冶在崖壁下有竹與
梧風作雨聲滴山青樹亦翠交映高人宅宅在城市中人與城
市隔入夏涼意多問字來晨夕

同西園飲宛在堂

疎雨瀟瀟響釣篷晚霞明滅半湖紅一龕可似瓜皮艇人在煙

近代詩鈔

張葆達

波罨畫中

三五凭欄話二更好風斷續月分明風經酒醒翻生冷月到人
稀更有情

同人集長慶寺遇雨

凌晨蓐食行西郊一路秋風作涼吹野人三五帶犧耕紅日穿
林露在地林深雲密不知處但聽鐘聲時出寺生平萬事盡讓
人獨此尋山偶先至到門山僧揖我入掃榻煮茶陪坐次我謝
山僧勿爾爾我是山人非官吏焚香參禪固未暇躡屐探幽良
要事寺前寺後何所有萬樹松篁千株荔老松吟風隔嶺濤叢
荔凝煙滿庭翠人間快樂能幾時天公咫尺雷雨戲頗怪沈吳
江諸子命駕蒼黃敗人意雨中紀遊古曾有所恨蓑笠猝未備
疾行只博雨打頭一領葛衣如水漬須臾雨止素月升無事自

擾天何懲

近代詩鈔

張葆達

二

近代詩鈔

謝鳳孫

鳳孫字石欽湖北漢川人光緒壬寅舉人

九月廿七日散叟約恪士仁先絜先鳳孫同作富春桐廬之遊別後得讀散叟仁先詩奉酬

曉帆發桐江羣峯修眉展富春富紅葉茲更碧山滿青女代炎
官赫赫張火繖眼暈魂欲翻蜿蜒勢不斷窺窗屢坐起敢學嵇
康嬾瞑目避炊煙神遊太虛遠造次具珍膳味兼鷁與鬱素心
蒼蚪子獨抱晚菘瞰薄醺際靈境巖巒浮杯琰水逆江路緩天
長晷景短方勝山陰游寸步恣周覽

山陰富春皆時新遊

岸轉峯更奇秋晚色猶綠扁舟泝清瀨日哺客心促皎潔雙釣

臺東西峙山麓石磯鑑泉均魚鳥媚幽躅道義天地心嚴謝一

近代詩鈔

謝鳳孫

髮續興亡各千古豈在歌與哭我來登巉巖累息躋雙足臥磴
忽入夢夢回乾坤肅

丁巳九秋蒼虬閣中菊花開時鳳孫遊西湖伴住一月臨

別蒼虬贈詩四首奉和

早菊迎我來晚菊送我去匝月窈窕情行行復留駐縹渺京國
魂暫從湖山遇飄零經幾秋輾轉戀恩路從容義熙年俛仰黃
叔度皎皎憐花心淒淒別花路有菊不歸好歸同菊心素

澄水際芳菊甘馨齡可延在昔胡伯始飲父風羸痊我友隆孝
養構室南湖邊歲歲開菊圃九秋羅綺筵戴日富精氣培花資
婉顏豈惟食飲補療親增壽年我憩洗心閣繞榻妍若仙寢興
同魂夢深情久纏綿氣類互蟠結相適性所天知我莫如菊我

知菊天全

春花爛如火秋花冷如鐵故人忍寒餓共爾齧冰雪復見天地
心萬劫芳不滅亭亭晚秋英矯矯霜下傑我心如石頑相賞恣
幽潔偶然情有鍾金石亦碎裂萬物終歸根血向首丘熱根北
花忽南終古持晚節

同彥和登掃葉樓

世治物常春世亂物常秋殢飆送亥歲敗葉紛九州誰爲國掃
除一洗世道憂頻年茅簷下顧影歌同仇默默終古恨鬱鬱臺
城遊夥頤六朝蹟先訪半千樓興半自見後人因以名樓圖不圖
寸心事得與古人侔繪圖著忠憤君豈書畫流沈綿三百載圖
毀樓空留區夏成落木秋風况轉眸天心儻厭亂箕帚安用求
愴然向誰語莫愁湖上鷗

同友人謁木蘭山

好黠近乎智好誠近乎愚與其智害性甯以愚自居鬼神愚者
敬忠孝愚者圖人苦智不足我求愚有餘五十學無成無成終
歸儒楊者斬一髮墨者捐項軀孔孟重仁義大道彌寰區宗教
各異趣歸異途自殊不學昌黎闢微覺宋賢拘溝通以證理峻
拒寧非迂存順逮沒甯浩氣歸太虛我忝仲尼徒毋以墨浼吾

學海樓將歸喜雪

昨宵集霰聽敲樓起視亭臺玉滿頭造物欲成清白志故將冰
雪壓歸舟

江行

連朝雨雪送歸船髀脣支離學睡仙遲暮春陰珍尺璧倘廻流

水駐天年

江舟風雪中逢立春日感賦

天涯何處避狂秦
洪水依然歲又新
嶠崿宜人思海日
淒淒如晦作江春

百年強半閱春秋
學道艱逾逆水舟
兩岸巖峯能起我
不隨惡浪共沈浮

年年春至感蹉跎
八載家居野趣多
學海樓頭梅萬點
蚤傳消息達行窩

上九日賦長句呈東軒師

昨宵夢繞春申浦
一別經年幾風雨
方壺蓬萊望依稀
欲晉雲飄風伯沮
南極老人益壽星
光騰海日燦樓宇
上燭九霄下九幽
儻令死灰活如炬
華山童兒道家子
五彩囊盛柏葉乳
真人一飲躋錢鏗
永永春秋月主盟
手試焚金鳳香洗
耳欲通玉皇語未知
遐福何當來忍使
神州遽如許閬風
元圃仙人侶誓

挽乾坤逐豺虎鍼膏砭肓滅二堅山川鬼神起拜舞爲祝金剛
不壞身龍象扶法恢天人一滴甘露三千界霑漑衆生勝沆瀣

友人招飲夜歸學海樓對月作

小飲歸樓月色闌沈沈夜氣擁胸肝傳家已悔謀生拙炫玉從
知入世難慙汗祇緣心迹異私慾不待鬼神彈醉醒歌舞都成
夢獨愛孤燈自倚欄

鄂渚遲劉君樸生不至歸舟賦此

壯歲盛師友昂學敦古道衰歇兆門牆哲人遂萎槁殃及構李
賢崑山碎瓊寶漂搖遂至今短髮垂垂老人海幾溯洄息交苦
不早四十始識君雖識聚亦少君足遍天下我身寄江表一別
輒經年分飛猝雙鳥兩度京華遊過從無昏曉巽言與法語鍼
石俗情掃昨歲賦南旋勸我勿歸好今春拯徐災呼我舟同造

豈不念飢溺營壘事未了書來訂期會如飢思一飽江城走踐
約聞上廬山嶠三日遲不來黯黯夢魂遶君攬香爐瀑我濡漢
皋淖雲水寄長懷江流東浩浩人生會有時作合由天巧三世
環循速百年駒隙眇相期萬慮消庶得真如葆聖道貴藏密修
士賤虛矯一念千密移寸心萬劫撓生死呼吸間安能互相保
我恨世因深塵網困顛倒饑驅南北勞倦憩妻孥擾耽寂孰如
君瑩然寐先覺入世泥不滓澄懷月同皎願時賜箴言以藥平
生惱作詩寫心憂翹首匡阜渺

舟下九江望廬阜呈東軒師二首

錄一

江近潯陽浦撐天巨壑逢船頭迎曉氣雲頂落奇峯岫轉回天
馬嵐環起臥龍嶽崎終古事追步竟何從

贈慎先四首

錄二

學書兼學劍日演龍虎勢手揮金剛拳心會太極意直體同射
德通變達易義操柔以制剛所投無不利末世多彊梁捍國賴
利器扶陽斯抑陰願君竟其志

我老不足畏君胡不我棄竭來共晨夕覩縷憂患事絮語遺晝
長聯床禁夜睡遠遊不忘親投筆苦無地時復勞筋骨豈惟調
血氣天涯夢魂中君家幾昆季


仁先歸自京師留滬暢談竟夕別後賦此

人生重離別暫聚彌沈緜盡歲圖一晤終宵詎能眠並作湖海
客相逢歲寒天覩縷舊京事淒涼燈火邊舊學心共證新詩口
能傳吹毛絕芥蒂坦腹逾虛船溫語寒夜暖繁冤繭絲纏敢以
當仁讓而忘着鞭先夙駕不可挽曉雞已鳴顛送君武林去出
門一愴然

客學海樓兩閱月將歸度歲呈東軒師二首

臘曠曝高軒寒冬暖如春皎皎雲天誼迢迢賦歸人晚學忘道
阻聆弦識廉溫土室靈光在老淚鬚眉真蕨挹首山餘時與甘
雨新厚遇無以報千秋此閒身

學海百川志效鰣螳敲車蠡測竟何裨豹斑時一盱壑大魚喜
縱鄰多德仍孤登樓譬學道外狹中亦如覆蕡期九仞惜陰况
三餘得師復得地征邁奚躊躇



近代詩鈔

周從煊

從煊字念衣湖北人

石遺室詩話念衣陳仁先詩友古近體皆工仁先曾寫
多篇見貽惜亂後失去只存三首

約仁先游洪山不果來

傾城士女洪山去各有情懷對暮春子不強游時可惜世方多
難事來頻垂楊應上枯僧肘碣蘚終淹獨客身他日望君鴻鵠
志直留孤塔與愁人

鄂垣和仁先天寧寺聽松濤

昔我京師困羈旅穿花踏月眠僧庵天寧古寺獨未到佳勝往
往聽人談老松兩株最奇崛變化雲物生風嵐都門故人詩筆

近代詩鈔

周從煊

一

豪雕刻細木非所甘一篇松濤寫天籟寸管直欲開江潭我居
深山松最多斧斤所赦尤寥寥年深上引千歲鶴月黑下臥南
山魁樵夫牧豎倚呼嘯豈有車馬經趨邇歲寒心同託根異君
賦其北吾歌南

和仁先菊花

我亦年年遺物華晚尋黃菊是生涯似緣籬落成秋界頗見益
孟簪好花薄霰上枝迴暝色一叢分路入山家何時酩酊同江
渚更約劉郎手畫叉

近代詩鈔

徐思允

思允字裕齋號苕雪江蘇武進人前官學部主事

和昌黎感春詩

出門四顧何所之不尋同樂尋同悲人人看春不我顧還歸空
齋誦文詞莊生沈冥少莊語離騷反覆如亂絲二子胸中感百
怪所以蹤跡絕詭奇忽然扶日躋昆侖俄見垂翼翔天池東風
卷地野馬怒安得乘此常相追

我悲固無端我樂亦有涯斗食佐史免耕勵得借一室栖全家
官書不多日易了舊業雖薄還堪加文章豪橫逞意氣草木幽
秀舒精華如今一事不可得豈免對景空咨嗟

立春二十日日日寒凜冽九陌長起塵衆卉焉敢茁爾來日漸

暖又恐驟發洩少年狂不止老病苦疲茶百鳥已如簧飛花亂
迴雪勸君守遲暮病發不可絕

一年青春能幾多坐令千古悲蹉跎夜燒紅燭照桃李日典春
衣償醉歌百川東流去不返淚眼長注成脩河我從崎嶇識天
意纔見光景旋風波去年看花載酒處今年不忍重經過一人
脩短尙難料萬物變化將如何

憶廣化寺

千金築館闢蒿萊却鎖重門未忍開潮上清光餘幾許春來風
信又多回事經變幻忘初意士失雕鐫定不才此局廢興爭屬
目寧論吾輩寸心灰

近代詩鈔

胡琳章

琳章字鐵華四川富順人

上巳日叔海先生招集天寧寺晚飲秀野草堂


秀野堂今屬石遺鉤沈本事出元詩老逢上巳花經眼客散禪
天酒滿卮舊夢湖山成大隱昔人晉宋有深期江淹彩筆陳遵

轄一瓣心香叩導師

謂香師

晨訪延真閣話別

曉風涼透揚雲宅聽雨高人睡起遲四壁有書忘作客一官垂
老坐論詩清談似飲廬山水薄醉思眠董子帷約買扁舟同上
峽滄江紅樹話秋期



近代詩鈔

林思進

思進字山腴四川華陽人

得守瑕書知石遺入京與瘦公並有垂訊之言賦此代簡
舊社星霜十二年故人相望各山川從來蜀道青天遠愁說幽
州白日邊正字閉門今幾載謠書新著定何篇勤君更問朝雲
夢老去東坡祇半禪

近代詩鈔

向 楚

楚字□□四川巴縣人

思歸

落盡楊花滿御溝
不堪烏夢憶延秋
周章小智還匡國
陶令高歌且倦游
臘至怕聞三虱訟
朝來誰爲衆狙謀
潯陽自有人閒世
浩蕩乾坤一白鷗

延真閣話別

揚子玄成鬢有絲
留應無計去何之
還家作客書爲累
學道當官佛是師
十載詩名傳日下
一麾明月向峨眉
浮雲莫歎廬山遠
婚嫁遙遙我亦思

送秋歌送悲衣思

官船去浦十載流落移日不

見向艤頭空委集太陽山

妻子支如蓬草絲路無指大

雲深草舊銀繁學詩當

迴頭闕五眼

行者持拂一白駒

前頭風颶狂前頭三尺鐵磚水

鋪發衆趾知尋覬白吏人間

前頭風颶狂不

見東家老父來

望頭

鼓子口口四川巴縣人

詞教

送秋歌

近代詩鈔

潘 博

博字弱海廣東南海人

題彊邨老人歸鶴圖

彊村老人如老鶴不向人間爭飲啄九霄唳罷獨歸來夢醒空
山雪花落老人養鶴如養兒俸薄不免時啼飢胸中飽貯出塵
想不識貴人軒與墀傳聞此鶴人所贈毛骨奇逸不凡近亦如
老人古心性玉立塵埃冰雪靜老人當世稱詞仙鶴亦起舞能
應絃荒庭僵石橫蒼烟與鶴相對忘年此鶴平生有故事出
處去就略可記大鶴山人鶴阿師爲寫斯圖傳畫史鶴兮鶴兮
得所歸青田石老苔生衣月明試向華表立人世如今有是非

贈伯嚴吏部

近代詩鈔

潘 博

戎馬倉皇此老翁天教身世杜陵同廿年歌哭江湖上八口流
離道路中夢斷中興成白首酒醒宇宙戰羣龍夕陽冷照離離
黍掩淚題詩續變風

近代詩鈔

黃孝覺

孝覺字孝覺廣東人官法部

東園夜坐

廊虛閣迥轉芳微坐起無端晚忘歸萬里還家明月在青春作
伴昔人非曲池水長知魚樂細路花深養蜜肥亦擬城東買村
舍只嗟心力故山違

短述

疊摺空箱舊嫁衣謝家殘夢過依稀上清齋醮符靈識下苑滄
波失後期窈窕東鄰求對值迢遙南雁寄當歸無愁最是黃昏
燕猶自穿花款款飛

近代詩鈔

黃孝覺

江亭

不到江亭三百日尋常雲壓覺天低城尖徑仄微微雪布襪青
鞶滑滑泥水閣當山時極目女牆高日又趨西遶林亦有南飛
鵠揀盡寒枝未肯棲